

四庫全書

子部

欽定四庫全書

子部

書畫彙考卷三十七

詳校官中書臣沈颺

侍讀臣孫球覆勘

總校官進士臣朱鈐

校對官主事臣陳文樞

謄錄監生臣任銜萱

欽定四庫全書

書畫彙考卷三十七

刑部左侍郎卞永譽撰

畫七

明集冊

明法書名畫合璧高冊

第一冊凡二十七幅

第一幅

名畫

徐幼文蜀山圖并題

長紙本水墨萬山層疊衆木
高深傍水幽居歷歷蜀山佳

境

齋房窅窕亂冥空，流雲啼鳥路西東。
薜蘿烟杳青林入，菱荷雨滿碧溪通。
穠花芳月時時有，花月尊中長泛酒。
蜀山茗水近相連，南風蕩漾木蘭船。
閒陪釣侶蘆洲外，偶值樵童松障前。
樵童釣侶行相識，吳語蠻歌自朝夕。
夢魂不解齊門竿，懷抱都隨謝家屐。
山中風景獨君知，結隣誰肯作幽期。
淮南桂樹秋搖落，更為重吟招隱詩。
呂山人自吳來訪余蜀山中，登臨燕賞，遂留數日。

琴野艇倏然告歸因畫一紙以贈并詩以道山居之樂
蓋將以邀吾山人卜隣爾噫余今因畫賦詩君歸而觀
此必旋能因詩而念我山居也棲霞憩月當翹首以待
徐貴

住近百花洲羣峰蘸碧流山窓能幾尺容得許多
秋志學山人與余別甚久一日訪余上林出示
此圖因題其上張羽

洪武辛亥元夕鶴瓢山房展觀宋克

甲午懶逸張孝思藏觀

法書

文文起書太白峨眉山詩

長紙本
行書

蜀國多仙山峨眉邈難匹周流試登覽絕怪安可息青
冥倚天闕彩錯疑畫出冷然紫霞賞果得錦囊術雲間
吟瓊簫石上弄寶瑟平生有微尚歡笑自此畢烟容如
在顏塵累忽相失倘逢騎羊子攜手凌白日李太白登
峨眉山詩初夏雨中書此遣興文震孟

第二幅

名畫

徐幼文龍塢春雲圖并題

長紙本水墨春山溪樹
樹杪層樓高出晴雲縹

紙

慈容不見見吳山山鎖重雲十二鬟願借從龍春五色
傍墳飛作舞衣斑 丙午二月廿日潘子素送徐季明
同歸吳地來慰藉臨別為寫龍塢春雲圖徐賞

春雲出塢卷舒遲滿目悠揚不盡悲徒向天涯望
丘壠傷心不似大行時劉珏題

最恨江雲解逐人若教飛盡轉傷神如何龍塢山

頭望不見河陽樹裏春李東陽題

春雲脈脈護龍岡宿草東風帶夕涼

原蹟夕陽改涼字

莫

怪法曹令更苦此中有恨異河陽傅瀚

第三幅

名畫 王孟端山居圖

長紙本淡色山坳迴溪松下茅舍傳經一客曳杖度橋相羊自適

款書

王紱

書圖左

法書

王雅宜書羅大經山居篇

藏經烏絲紙本行草書

唐子西詩云山靜似太古日長如小年余家深山之中

每春夏之交蒼蘚盈階落花滿逕門無剥啄松影參差
禽聲上下午睡初足旋汲山泉拾松枝煮茗茗啜之隨
意讀周易國風左氏傳離騷太史公書及陶杜詩韓蘇
文數篇從容步山逕撫松竹與麝犢共偃息於長林豐
草間坐弄流泉漱齒濯足既歸竹窓下則山妻稚子作
筍簾供麥飯欣然弄筆窓間隨大小作數十字展所藏
法帖筆跡畫卷縱觀之興到則吟小詩或草玉露一兩
段再烹茗茗一杯出步溪邊邂逅園翁溪友問桑

原蹟
脫麻

字
說秔稻較晴量雨探節數時相與劇談一餉歸而倚

杖柴門之下則夕陽在山紫綠萬狀變幻頃刻恍可人
目牛背笛聲兩兩來歸而月印前溪矣味子西此句可
謂妙絕然此句妙矣識其妙者蓋少彼牽黃臂蒼馳獵
于聲利之場者但見袞袞馬頭塵匆匆駒隙影耳烏知
此句之妙哉人能真知此妙則東坡所謂無事此靜坐
一日是兩日若活七十年便是百四十所得不已多乎
嘉靖壬辰八月二日雅宜山人王寵書於石湖別業

第四幅

名畫

王孟端雙梧亭子圖并題

長紙本水墨溪山雙梧
下陰一亭綠陰靜遠

花落鶯啼春復深
雙梧交映畫沈沈
煩君為掃亭前石
待我歸來看綠陰
友石生

手植雙梧金井西
童童如蓋翠雲齊
秋風莫掃枝頭葉
月白終當有鳳棲
邵昇

秋到不須知
長留葉在枝
亭中逢客至
點筆好題詩
奕

秋月娟娟照碧梧彩鸞於此結巢無何當約客池
亭上共醉香醪滿玉壺砥齋

第五幅

名畫

杜攄居茅齋看竹圖

長方紙本著色茅齋一人坐
對脩竹隔水青山拂簷高樹

濯濯
新姿

款書

攄居杜堇作

書圖
右

法書

董文敏書唐句

長紙本
行草書

主人不相識偶坐為林泉且莫愁沽酒囊中自有錢其

昌書

第六幅

名畫

姚雲東樹石圖并題

長方紙本水墨深溪怪石老樹槎枒

對奕每忘疲疲力果何益收枰論往古孰見成敗跡春風一過眼榮辱在瞬息高吟寫樹石山氣日向夕辛亥秋為橘奕畫雲東逸史

書圖上

法書

祝枝山古詩真蹟

長方紙本行草書

孟冬寒氣至北風何慘慄愁多知夜長仰觀衆星列三

五明月滿四五蟾兔缺客從遠方來遺我一書札上言
長想思下言久離別置書懷袖中三歲字不減一心抱
區區懼君不識察祝允明書

第七幅

名畫 文徵仲夏日閒居圖并題

長方紙本淡色高樹濃
陰茅亭坐客一童子侍

立一童子抱甕
白柳檻邊來

永夏茅堂風日嘉涼陰寂歷樹交加客來解帶圍新竹
燕起衝簾落晚花領畧清言蒼玉塵破除沈困紫團茶

六街車馬塵如海不到柴桑處士家
夏日閒居寫此

紀興并賦短篇已亥歲徵明時年七十
書圖左

法書

黃淳甫詩蹟

藏經紙
本草書

吳宮一草堂蘿竹逕全荒
呂駕遙相命嵇琴靜以張
雲移峰駐影花落樹流香
綠酒懷人處空除半夕陽
姬水

第八幅

名畫

文徵仲停雲言別圖并題

方絹本著色做唐人筆
法春原綠樹徵仲履吉

對坐平坡樹間二童子侍芳
草綿羊天涯別思撩人心目

春來日日雨兼風
雨過春歸綠更濃
白首已無朝市夢
蒼苔時有故人蹤
意中樂事樽前鳥
天際脩眉郭外峰
可是別離能作惡
尚堪老眼送飛鴻
履吉將赴南雍

過停雲館言別輒此奉贈辛卯四月徵明

書圖左

法書 莫雲卿詩蹟

長粉箋
草書

君懷忘逆旅
吾意薄雲天
鄭谷春藏麝
郇廚晚供鮮
促歌芳樹底
銷恨落花前
今世論才少
相看祇自憐
是龍

書

第九幅

名畫 文徵仲秋風得意圖并題

長紙本著色徵元人筆
意秋山碧樹朱衣人騎

馬童子負
書卷後隨

柳外新涼入馬蹄秋風人向秣陵西丹陽郭裏看新月

白下橋南認舊題天府江山千古麗辟雍冠蓋萬方齊

知君得意令游道不用臨河歎解攜履約將赴南雍

賦此奉贈正德十六年辛巳七月朔徵明

書右
角上

第十幅

名畫

沈石田桃花書屋圖并題

長方紙本淡色高山叢樹桃花繞屋中有一人

把卷

几坐

桃花書屋吾家宅阿弟同居四十年今日看花惟我在
一場春夢淚痕邊此桃花書屋圖也圖在繼南亡前
兩年作嗚呼亡後又三易寒暑矣今始補題不勝感愴
乙未九日沈周

小隱新成水北灣桃花千樹屋三間讀書不作求
名計時復褰帷只看山有貞

結屋東隣勝小山讀書終日掩柴關桃花千樹無人看一片風光春自閒吳寬

法書

王正叔詩蹟

藏經紙
本草書

連雨殊生客抱愁山頭却喜澗添流桃花萬點飛巉壑

絕

原蹟絕
字點去

雲瀑千層掛石丘松作翠濤聞虎嘯雲深蒼

島暗龍湫竒蹤不在人間世我欲尋源到十洲右桃源
礪之作太原王問臣書

第十一幅

名畫

沈石田臨大癡富春大嶺圖并題

長紙本水墨溪上重山山腰曲

路富春

佳境

酒散燈殘夢富春墨痕依約寄璘珣山光落眼渾如霧

莫怪看

看字原蹟點去

芙蓉看不真

徵明燈下強余臨大癡

翁富春大嶺圖老眼昏花把筆茫然以詩自訟不工耳

八十翁沈周丙寅

書左角上

第十二幅

名畫

唐伯虎曉林慈鳥圖并題

長紙本水墨空山流泉寒樹棲鳥

慈鳥鳴聞曉林羽毛單薄雪霜深世間人子非梟獍

聞得誰無反哺心唐寅畫

書右
角上

第十三幅

法書

祝枝山古詩真蹟

藏經長紙本草書
古詩十九首之六

行行重行行與君生別離相去萬餘里各在天一涯道
路阻且長會面安可知胡馬依北風越鳥巢南枝相去
日已遠衣帶日以緩流雲蔽白日游子不顧返思君令
人老歲月忽已晚棄捐勿復道努力加餐飯

青青河畔草鬱鬱園中柳盈盈樓上女皎皎當窓牖娥
娥紅粉粧纖纖出素手昔為倡家女今為蕩子婦蕩子
行不歸空牀難獨守

青青陵上柏磊磊澗中石人生天地間忽如遠行客斗
酒相娛樂聊厚不為薄驅車策駑馬遊戲宛與洛洛中
何鬱鬱冠帶自相索長衢羅夾巷王侯多第宅兩宮遙
相望雙闕百餘尺極宴娛心意戚戚何所迫

今日良宴會歡樂難具陳彈箏奮逸響新聲妙入神令

德唱高言識曲聽其真齊心同所願含意俱未伸人生
寄一世奄忽若飄塵何不策高足先據要路津無為守
窮賤坎軻長苦辛

西北有高樓上與浮雲齊交疏結綺窓阿閣三重階上
有絃歌聲音響一何悲誰能為此曲無乃杞梁妻清商
隨風發中曲正徘徊一彈再三歎慷慨有餘哀不惜歌
者苦但傷知音稀願為雙鴻鵠奮翅起高飛

涉江采芙蓉蘭澤多芳草采之欲遺誰所思在遠道還

顧望舊鄉長路浩

浩字原蹟點去

漫浩浩同心而離居憂傷以

終老

右錄古詩十九首之六長洲祝允明

名畫

仇實父竹院逢僧圖

長絹本著色山下竹林一官人同僧坐石上對談神氣嫵

嫵一童倚竹

立一童煮茗

款書

癸卯仇英

篆左角石上

第十四幅

名畫

仇實父春郊控馬圖

絹本著色翠山逼漢喬松蔽虧林園古寺挑映春溪兩人

平原控馬一人按轡山阿人類奚官馬無鞍
勒具有奔泉飲澗之勢新倩文秀不亞子昂

款書

實父仇英

小指圖
右角下

第十五幅

法書

董文敏書海岳詩蹟

高麗長紙
本行書

竹西桑柘暮鵲盤特地霜風滿倦顏不用使君相料理

祇緣塵土少青山 用鍾太傅筆法書米海岳詩甲戌

暮春長安邸舍董其昌

名畫

董文敏葑涇倣古圖并題

高麗長紙本水墨溪流
灤繞山勢盤紆古樹嵐

氤茅齋蕭寂

文敏絕品

款書

壬寅首春董玄宰寫

時同顧侍御自攜李歸阻雨葑涇檢古人名跡興至輒

為此圖

書圖上

此北苑兼帶右丞玄宰開歲便弄筆墨此壬寅第

一功課也嘆羨嘆羨繼儒

書圖上

第十六幅

名畫

董文敏奇峰白雲圖并題

長紙本水墨做北苑樹石海岳雲山

奇峰白雲玄宰寫

悠悠白雲裏獨住青山客林下晝焚香桂花同寂寂為

澈如年兄書其昌

書圖上

第十七幅

法書

王雅宜詩蹟

藏經紙
本草書

秋水何人愛清狂我輩來山光浮掌動湖色盪胸開黃
鵠輕千里蒼鷹下九垓平生濟川志擊楫使人哀王寵
書似和甫先生

名畫

陳道復姚山田舍圖并題

長方紙本水墨疎樹遠山蘆汀村舍得米家三

昧

景物秋來好蕭蕭絕可憐幽人發幽興載雨過山前

辛丑重陽前二日喜子初過姚山遂留宿田舍對雨作
此為贈時已薄暮殊不能佳也淳

林疎秋欲暮溪上草堂開訪友誰乘興扁舟冒雨
來穀祥

登高九日興載雨五湖船不見元龍久披圖意惘

然嘉靖癸丑五月廿有七日彭年

右俱書
圖額

第十八幅

法書

王雅宜書少陵句

藏經紙本
行草書

百頃風潭上千章夏木清卑枝低結子接葉暗巢鶯鮮
鯽銀絲鱠香芹碧澗羹翻疑柁樓底晚飯越中行寵

名畫

陳道復朱樓碧岑圖并題

長絹本著色碧岑重疊
樓閣參差遠水揚帆浮

雲籠寺筆

墨有情

青樹碧岑雲外聳朱樓畫壁水中開陳淳為延德製

第十九幅

名畫

文五峰山居圖

長紙本著色秋山楓樹
茅齋二老促膝坐談

款書

隆慶庚午秋九月寫五峰文伯仁

書圖左
角上

第二十幅

名畫

文休承藍水玉山圖并題

紙本淡色三峰屹立雲
樹疎明飛泉直挂波注

瀾灤上題藍水玉山
之句景致真作是觀

藍水遠從千澗落玉山高並兩峰寒丙子仲夏文嘉

行書

圖左
角上

第二十一幅

名畫

陸子傳馬蹄春雪圖并題

長紙本水墨溪山層疊
密雪寒林乘騎人渡橋

一僕夫

肩行具

漫天春雪路東西點點飛英送馬蹄借問長干二三月

柳花何似白公隄嘉靖癸丑正月石屋將之南都賦

贈短句并作此圖師道

書右
角上

法書

杜子紆詩蹟

洒金箋
草書

北樓西望滿晴空積水連山勝畫中湍上急流聲若箭

城頭殘月勢如弓垂竿已謝蟠溪老體道猶思塞上翁
為問邊庭更何事至今羌笛怨無窮杜大綬為念于詞
兄書

第二十二幅

法書

黃姬水詩蹟

藏經長紙
本草書

踏馬城南細草香遙尋仙苑白雲長春風不管軒車散
依舊池臺桃李芳

公子名園接鳳巒微陰十里綠楊寒王家不是凡花鳥

祇許乘春仙吏看

落落乾坤一病身
看花應不到羈人
如今具有維摩眼
花落花開共是春
右何翰林元朗期往魏園看花以疾不赴詩以謝之姬水

名畫 謝樗仙溪山訪友圖

白藏經長紙本水墨山磴盤旋騎行雜遝巖泉雲樹之間

不當山

陰道上

款書

正德丁丑謝時臣倣黃叔明筆法寫此

隸書左角上

第二十三幅

名畫

謝枋仙關山逆旅圖

藏經箋本水墨高山叢木嶺寨巖然策蹇負擔有綠山陂

而行者有向板橋而度者溪邊一艇舟子撐篙筆墨蒼老淋漓欲滴

款書

嘉靖三十四年

年字原蹟旁注

乙卯夏峇倭寇犯境今就

殲滅余老人復事筆研為寫關山逆旅以消長日時年

六十有九

行書圖左角上

第二十四幅

名畫

周服卿小齋雅致圖

長方紙本著色橫溪水閣一人憑檻溪上小山一人曳杖

芙蓉繞岸脩竹

成林山居幽境

歎書

萬曆甲戌八月朔寫贈聚甫逸史吳郡周之冕

書右

角上

小齋雅致似瀟湘脩竹芙蓉映水涼讀罷道書無
一事藤牀竹几靜焚香茂苑文嘉

門巷幽深秋雨涼蕭齋臨水撥鑪香湘簾盡捲無
塵到坐看芙蓉媚晚粧肇祉為聚甫題

雨餘三逕在高岡竹樹扶疎帶夕陽萬境不波心
似水閒聽孺子唱滄浪文元發為聚甫兄題

波翻晴日亂鷗飛
秋滿湖頭白石磯
不是畫間人跡
靜自無塵到翠雲
扉顧德育為聚甫兄題

右四詩俱紙

本裝詩堂

第二十五幅

名畫

張夢晉溪流野鳥圖并題

長紙本澹色山溪細流
灌木濃陰一人臨水觀

聽

泱泱溪流人寂寂
沈沈野鳥景闕闕
世間白日忙於我

到此林間便自閒
張靈

書右
角上

法書

莫雲卿詩蹟

梅花蠟箋草書

誰卜南山勝翳然林木幽清泉翠微落孤嶼片雲流心
賞陰晴適身閒信宿留不辭常取醉幾向習池頭是龍
為黃東書

第二十六幅

名畫
項孔彰古木新篁圖并題

長方紙本水墨怪石一峰古木右蔭新篁左撐

古木凌蒼靄新篁含晚煙項聖謨

書右角上

第二十七幅

名畫

楊龍友落霞孤鶩圖

長方紙本淡色秋山野樹遠水寒汀孤鶩殘霞對之神越

癸酉秋日晚步湖隄偶寫落霞孤鶩之意雪龕文驄

書右

上角

明法書名畫合璧高冊

第二冊刪
存十六幅

第一幅

名畫

文徵仲蘭竹圖并題

藏經長方紙本水墨草石坡陀蘭花一本脩竹二竿左右

項氏九
印不錄

清真寒谷秀幽獨野人心結意青霞珮傳情綠綺琴徵

明

誰是同心友幽蘭在空谷疎篁更娟娟閒情寄雙

玉

曾聞緱嶺笙欲解湘江佩脩然太史筆齋居坐相
對 甲辰五月十二日復初題贈

第二幅

名畫

沈石田幽谷秋芳圖并題

長方紙本水墨草坡
一石石背野菊叢開

清遊到西墅聊樂病餘身故故重陽節駸駸六十人看

花雖滿眼把酒只沾唇年與世情異老夫惟任真 甲
辰九月拉表兄金懷用二弟德韞同遊西墅有竹居時
予方病起不敢縱酒聊寫幽石秋芳系詩贈德韞以紀

此會云沈周

書圖上

欲鬪無邊景應須見在身乾坤兩芒屨今古幾閒
人叢菊已盈把數杯當浹唇繁華轉頭歇愛爾獨
清真海虞王鼎次石田韻

乾坤之間皆旅寄人耶物耶有何異但令托身得

知已東家西家何必計石丈筆跡滿天下得託與
石難自記譬如造化賦與人富貴窮達皆其戲我
展此幅向壁間壁下秋風花滿地黃花墨葉相對
好齊物論之同是偽摘花捲畫見石丈請証無言
第一義得託與否壽與夭勞勞兩途且姑寘對花
共飲十分盞主人自是張驃騎吳趨唐寅
當年文酒會西莊點染寒花醉墨香片紙依然人
髮白秋風籬落幾重陽

殘墨離離歲月長流傳還到保遺堂莫言卉物無
常主依舊西風晚節香 丙寅九日衡山文壁題

物理終看付八還強留此紙百年間先生一勺甘

泉水不對南山對峴山皇甫錄

右俱對題
長方絹本

第三幅

名畫

沈石田楊花新燕圖并題

長方紙本淡色垂
柳臨波差池雙燕

今年見新燕猶似去年見主人頭髮白轉多只有烏衣
不曾變年去年來來不差分明記得主人家柴門大開

風滿屋飛出飛入隨楊花君不見相國門前車馬塞一朝相去車馬寂車馬寂草萋萋燕子還來梁上樓沈周

書圖

左

法書

文徵明滿江紅詞蹟

藏經長方
紙本行書

漠漠輕陰正梅子弄黃時節最惱是欲晴雨乍寒又熱燕子梨花都過也小樓無那傷春別傍闌干欲語更沈吟終難說一點點楊花雪一片片榆錢英漸日隱西垣晚涼清絕池面盈盈清淺水柳梢頭淡淡黃昏月是

人吹徹玉參差情淒切右調滿江紅甲寅十一月既望
徵明書

第四幅

名畫
唐伯虎並蒂芍藥圖并題

長紙本水墨並蒂芍藥
二花一莖衆葉扶疎墨

暈所漬具
見清逸

最是花多並蒂每常鵬帶織同心畫堂紅燭清明近

一刻春宵值萬金吳門唐寅為商霖契舊畫

書圖
上

第五幅

名畫

仇實父蠟梅水仙圖

小長紙本著色倒垂蠟梅一枝水仙二本離立若江皋之女

款書

明嘉靖丁未仲冬仇英實父為墨林製

小楷書右角下

第六幅

名畫

仇十洲折枝梅花

絹本著色梅花幹如勁鐵花枝倒垂真有疎影橫斜之態

款書

仇英實父畫

小楷圖右角下

第七幅

名畫

王祿之瓶插羣芳圖并題

長方絹本著色青綠雲雷方罇罇中紅杏紫蘭

黃薇諸卉

蜂窺蝶競

春色歸紅杏香心動紫蘭東風披拂處繁蕊總宜看穀

祥

書圖上

第八幅

名畫

王祿之折枝紅藥圖并題

長絹本著色紅藥一枝
化工春色乃在毫楮中

春色歸紅藥芳菲傍碧闌試歌溱洧贈何似省中看穀
祥

風靜錦雲安露鮮紅玉香楊妃醉無語含笑對三

郎文嘉

濯綺當春暮移根自洛陽如何開獨晚一品冠羣

芳黃姬水

百寶雕闌曲千金玉樹花洛陽三月暮無處看繁

華陸師道

第九幅

名畫 陸包山蝴蝶尋芳圖并題

長紙本著色洛陽錦一
叢盈盈石畔蛺蝶翻

欲下

名園花事正芳菲蜂蝶紛紛入翠帷玉砌風輕當日午

粉痕香減醉晴暉陸治

書圖左

蝴蝶賦

蝴蝶媚物也金陵出游見夫郊原千百成羣援筆賦之且示傲焉

金陵春暮青帝反旗餘和剩照原扇郊吹造化靈巧鑄冶精奇假物成物人不能知匪鵬天蔽匪蟻隙岐翦鬚燕尾刷翅鶯兒細學蜂腰畫分蛾眉翎薄蜻蜓粉輕鷺鷥度花掠草醉蕊酣枝行行隊隊

雙雙奇奇疎疎客客紛紛離離千百羣引三兩自
隨息日似倦驚風若追接翅若語不動若思尋友
若盟戀侶若私蕭散若逸顛倒若癡乍屯若會忽
去若辭莫分老穉奚辨雄雌集人游袂觸客吟髭
想夫撫媚千古名姬曩周褒姒沼吳西施嘗貯金
屋曾步紫絲秦簫楚舞漢燕唐鴟阿房迷呂錦纜
侈隋內庭後閣雲鬢冰肌抹山增翠妬霞減脂素
紉寫怨丹葉流詩曲調湘賦艷擬陳詞況夫江左

舊多紅粧東山所攜披香所藏閣滿臨井春出景
陽游奢東昏曲盛南唐玉樹韻絕桃葉思長凡茲
麗姝故態飛揚妖媼蕩君側媚禍郎尤物化蝶蹤
遺色荒蝶輕女骨女假蝶粧拂鬢理髮拍翅歌商
傅粉希寵點華竊香輕盈避風皜白凝霜分釵引
隊解舞成行俠客團扇四撲頡頏弱質不定鬆籠
紫囊歸散羣髻戲集仙裳羣姬爭笑分投洞房指
蝶謂蝶不惜空亡願天生麟為邦國光嘉靖癸丑

春二月十八日陸師道書

烏絲闌楷
書圖額

第十幅

名畫

陸包山黃白雙荷圖并題

長絹本著色芙蓉雙枝
白華初放窈窕色盛開各

倚一葉漢江二女
亭亭解佩時也

盈盈水上出新粧
窈窕生綃湛露香
施粉施朱殊減態
將雲將雨轉生光
空勞解珮要相逐
翻使陳王意轉狂
我欲煉形輕似葉
乘風飛舉渡瀟湘
包山陸治

行楷書
左角上

第十一幅

名畫

周公瑕蘭蕙圖并題

藏經長方紙本水墨草石間
蘭蕙各一本深淺遠近接葉

文
枝

芳園桃李盛春陽不待秋來委

原蹟多一
委字點去

路傍蘭蕙長

榮楚江曲清風無日不吹香辛巳冬日周天球作于觀

真處

行書右
角上

第十二幅

法書

談思重槿花彩蝶圖

長方紙本著色木槿枯枝中
放朱花平坡野卉俱沒骨體

一蝶颺颺

若遠若近

款書

癸丑四月望日寫志伊

楷書
圖右

第十三幅

法書

文衡山秋月詞蹟

藏經長方
紙本行書

灩灩

原蹟灩字下
多盈字點去

溶溶缺又盈秋清寒重轉分明玉關

羈鴈年年度桂殿寒潮夜夜生橫玉氣溢金精照人離

別更多情長風不斷吹秋色何處江樓有笛聲 右咏

秋月徵明

名畫

王聲鶩秋圖

長紙本著色月下梧竹憑砧一女
羅袖怯寒傍置雙杵地墜梧葉

驚秋圖

隸書

王聲畫

書右
角上

第十四幅

名畫

項又新做梅道人竹石圖并題

長紙本水墨石
壁下脩竹三竿

蒼蘚掛翠壁脩篁動素風項德新做梅道人筆

行書左
角下

第十五幅

名畫

項孔彰蘭竹圖并題

長紙本著色
石坡蘭竹

春風從東來幽香忽西去欲以遺所思所思在何處

此趙松雪作也偶在記憶時不覺拈出項聖謨

行書左
角下

第十六幅

名畫

趙氏端容文石良薑圖

長絹本著色二花一石彩蝶孤飛

款書

辛未仲夏天水趙氏文俶畫

書右角上

明君臣山水人物方冊

凡二十幅

第一幅

宣廟梨花圖

方紙本著色梨花一枝珠輝玉潤化育春工

款書

宣德六年御筆

書圖上

第二幅

三城王鶯粟花圖

方絹本著色大紅鶯粟花一枝宛若當春

款書

癡懶老人

上書圖

第三幅

王孟端竹石圖并題

方紙本水墨石間小竹數叢滿滿風日

款書

王紱

左書圖

嘗見東坡有此石本趙松雪曾擬作之後倪雲林亦

原蹟

亦字旁註

作一紙藏於惠山禪室較之石本但無荊棘而竹

石尤清潤自有一種高風逸韻出人意表一日過惠山

長老松庵師出

原蹟出字下有之字點去

紙命僕效顰此幅是也時

有山人韓蒙庵在席見而愛之遂歸于韓今二十年矣而山人之弟院判公達出以示予予切有感焉凡曩昔所見前輩遺迹一見後莫知所存而拙作鄙庸廼為韓氏寶藏若此蓋以山人所愛重故也且僕自出山中來游宦京師初聞松庵師上虎丘示寂未幾山人又復仙去今吾與公達同仕于朝追念舊游存沒之感不能不愴然于懷也永樂甲午長至日從仕郎中書舍人王孟

端識

楷書對題藏經方紙本
四角項氏六印不錄

第四幅

王孟端竹樹山居圖

方紙本水墨雲山迴合溪水漣漪
茅屋數間柴門難犬門外一舟泊

柳下山居

佳境也

第五幅

沈啓南積雨小景并題

小方紙本水墨野岸平林烟
嵐蒸鬱村居雨色起人愁思

久雨陰連結青天安在哉大由雲所子浩及水為苗羣
葉無情盡么花借濕開寂然泥淖地苦憶舊人來

茆簷何日霽溜響謾沈沈氣鬱惟添睡愁多亦怕吟新
塵沾卧榻積潤變鳴琴安得東軒月皓然當我襟 乙

未九月積雨作雨悶二首復作此景書之是日忽晴吾
意彼蒼亦聞顛崖赤子私諷之語而見憫邪念七日周

書圖

左

春來不獨東風顛以陰以雨仍連連豈惟元日到
人日又復上弦交下弦甲子歲朝聞好語東南民
力待豐年天時人事有如此北望朔雲增慨然

過有竹居維時出示乃翁小圖有閔雨之意為書
近作于上戊戌歲二月十八日記匏繫菴主

書圖右

第六幅

唐伯虎歌風臺實景圖并題

小方絹本水墨遙山帶水周垣古屋喬木交蔭當階

一井穹碑草際對之興懷古之思

正德丙寅奉陪大冢宰太原老先生登歌風臺謹和感
古佳韻併圖其實景呈茂化學士請教唐寅

此地曾經玉輦巡比隣爭覩帝王身世隨邑改井猶在

碑勒風歌字失真伏劍當時冀亡命入關不意竟降秦

千年泗上荒臺在落日牛羊感路人

小指書
圖額

鸞輿翠蓋始東巡隆準依然泗上身父老尚疑豐

沛舊塵埃誰識帝王真八千子弟空歌楚百二河

山竟去秦聞說四方須猛士商顏閒煞采芝人過

歌風臺賦王鏊

行書對題
藏經紙本

第七幅

仇實父採芝圖

方絹本著色一人傍松撫石看
隔溪童子採芝洞口神韻閒雅

款書

仇英董製

書左角
松根

松間露重朝濕洞裏雲深夏寒倚石振衣長嘯採
芝下箸加餐有澗只堪洗耳無塵何用彈冠久矣
忘情軒冕客來莫問長安 仇實父採芝圖精妙

絕倫不下趙千里非近世丹青之士所得夢見也
秋雨新霽松窓寂然焚香展閱若置身清虛碧落

間因題甲辰中秋後七日王穉登

行楷書對
題金箋

第八幅

仇實父草蟲圖

團扇絹本著色一蟬二蚱蜢二促織
趨趨于石竹梢頭牽牛花畔

款書

仇英臨

楷書圖
右角下

第九幅

仇實父萱花小鳥圖

團扇絹本著色萱花一
本花邊小鳥飛趨游蜂

款書

仇英製

楷書圖
右角下

第十幅

周東村柳莊風雨圖

方絹本淺色楊柳村莊迷天風雨
簑笠歸來者升高葦茅茨者奔趨

忽劇形

容畢盡

款書

東邨周臣

書圖左
角下

第十一幅

董文敏野色遙岑圖并題

小方紙本著色遠山平時
雲樹陰濃力寫癡翁筆意

野色散遙岑繁陰帶平楚大癡未是癡老我仍學我其

昌

行楷書
圖上

第十二幅

董文敏山松小景并題

小長方紙本水墨松竹成行飛
巖下臨尺幅巨觀想見筆中品

地

款書

玄宰

書圖
左

縱心空洞津聳轡策朱駢其昌

對題小長
方紙本

第十三幅

董文敏倣米家山圖

小方絹本淺色重
山衆樹一派煙雲

款書

倣老米雲山玄宰

書圖
上

第十四幅

趙文度秋林小景

小長方紙本著色青
林紅樹渲染秋光

款書

趙左

書圖
上

第十五幅

趙文度荷鄉清夏圖

方絹本著色茂林高閣消受荷風企足北窓遜其憑眺

款書

倣趙大年荷鄉清夏華亭趙左

書圖上

第十六幅

王酉室梅枝水仙圖并題

方紙本水墨水仙一本疎梅一枝冰玉之姿高寄心目

春色到家園樹樹梅如雪仙卉復爭妍清香徧林樾穀

祥書圖右

朝看姑射雲夜對羅浮雪皐禽相與閒長鳴振清

樾彭年次

書圖右

漢皋委珮碧琳瑯更著瓊枝玉雪香

原蹟香字下多令字點去

大似孤山貧處士寒泉配食水仙王微明

娟娟冰玉姿兩兩粧初就何處斷人腸春雪消時

候王守

羅浮士女蕊宮仙瑤闕相攜乘紫烟並戴瓊英行

綽約雙垂明月鬪嬋娟師道

第十七幅

項孔彰溪山古木圖

小長方紙本水墨高山野水林木靜深茅屋數間窅然人境

款書

項聖謨

書圖右角下

第十八幅

宋石門山居圖

小長方紙本著色山陂茅亭主賓兀對橋外隣翁曳杖招尋山居之樂如是

款書

石門山人宋旭

書圖右

第十九幅

青煒倣荆關筆意

小長方絹本淡色水村煙樹筆簡意遠

款書

宋石門為眠佛寺僧臨荆關之

原蹟疑脫一字

余亦背倣

青煒

上書圖

第二十幅

王聲春山騎馬圖

方絹本青綠小山曲逕士人乘馬童子抱琴挈榼聽鳥看雲

款書

王聲畫

右書圖

第二十一幅

馬氏湘蘭蘭花圖

灑金方箋著色一花數葉弱態不勝

款書

庚午夏日湘蘭為龍池兄戲筆

右書圖

第二十二幅

薛氏靜君秋色圖

灑金方箋著色秋葉二本一蝶二蜂紫香扇粉

款書濤如

書圖左角上

盤礴漫興冊

凡六十幅汪氏凝霞閣藏內無款者係玉水題

吾家凝霞閣向藏當代諸名畫為冊約半千可供
嘉客累日之翫自余為東西南北之人先子登太
白峰而仙去歸來處悶天枯海中僅存此彙冊猶
足侈夜郎王也因綴冊首曰不薄令人愛古人

宣廟九鸞圖

著色緙素本

款書

宣德年製

書圖上中央
有御府圖書

宣廟蘆鴈圖

著色
素本

款書

宣德年製

書圖上中央
有御府圖書

清賞錄云我朝宣廟憲廟孝廟皆善畫宸章輝煥
皆在能妙之間特設仁智殿以處畫士寶鑑云章
皇帝聖能天縱一出自然若化工之於萬物因物
賦形不待矯揉而各遂生成也敬觀二圖柳絲烏
羽雖細過于髮乃一種生動之致又居然寫意家

神逸品信有若前所云云者臣王

王孟端竹石圖

絹本

邊景昭花果翎毛圖

絹本

王西園扁舟漁笛圖并書

後圖四幅俱紙本自書雜詩四紙裝對版

問吾何處是吾家家在山中路不賒洞口一方青玉案

門前萬樹碧桃花吹笙跨鶴遊塵海煮石餐霞度歲華

昨夜藥珠宮燕罷滿天碧月淨無瑕 仙興

西園蘆中丈人圖并書

苑花淨盡綠陰長池上清筵為客張
滿樹苦無彌月好殘枝猶有一分香
耳邊歌板將春恨掌上瓊舟借醉狂
說與東風還定約明年春早放輕艫
恨花落春歸晚飲故人臺榭

西園園景圖并書

行李入城經兩月樹頭杏子已全黃
鬧中每恨光陰速天下其唯朝市忙
今日尊前傲舞袖明朝海上放歸航
年將半百身無恙去去何愁道路長
已未歲遊金臺

將歸留諸友

西園負薪行吟圖并書

城中寸土不可得新拓二畝真良疇淨水荷池堪洗硯
清風柳岸可梳頭枇杷摘盡金蠐滿醴醕新開綠蟻浮
常笑機雲無伎倆何須苦向洛陽遊 丙辰歲拓園地

二畝

西園墨竹圖并書

凡四幅俱紙本對版書
雜詩者三末幅玉水記

草堂住近白鷗汀野老孤筇試一登舊事欲談終未已

主人不臥坐能聽燈殘紫焰金蟲細檻落清風玉塵輕
知是別來曾夢筆江淹才思十分增 擬過友人朱汝
執新莊

此山迴與他山別丹崖翠壁皆下風天地有意存太素
東西無物能爭雄峰頭玉井詩句裏江上香爐圖畫中
人物兩般並玉立聲價萬古誰終窮 歲己未遊金臺
題考功喬希大白巖卷

吾家小園五畝強種鞠開花關晚芳不信生無看花福年

年客裏過重陽 辛酉游金陵居太學中年餘復上北都
勞勞風塵中自春及冬無時遑息舟中感懷戲書一鵬

司訓王一鵬字九萬號西園詩宗元白淡雅成一
家言人復瀟灑出塵有晉永和風致工書工畫每
為人題署尾必曰西園故西園之名特著有王西
園志見松郡乘一云國初人也此對版詩雖非題
畫而韻語書法俱佳因悉存之玉水記

孫都癡墨蝦圖并題

絹本

春波浮藻葉晴日戲蝦鬚

都癡郭索圖并題

絹本

一甲雄天下橫行遍海涯

孫隆號都癡毘陵人開國忠愍侯孫生而穎敏有

仙人風度寫禽魚草蟲自成一家號沒骨圖

姜廷憲畫并題

絹本

竹風敲韻來書案花月篩香入硯池

沈石田山水

二幅俱無題有印記一做黃子久筆

石田寫生

二幅俱紙本一作帶
花絲瓜一作豆莢

無名氏畫

無款意是
劉完巷

天涯偏感物華新
燈下閒吟意轉親
風雨滿城春寂寂
不知誰是畫中人
匏菴吳寬

姚雲東墨梅圖并題

紙本

曉起輕寒細雨吹
春回一月半開梅
重門未啓金魚鑰
風送鳥聲何處來
二月曉寒作贈橘
夾綬

文衡山秋塘釣艘圖并題

絹本

斷葦依塘秋滿川晚晴倚樹一汀煙青山最是供詩料
忽共斜陽落釣船徵明

徵仲倣巨然山水

絹本水墨
細入無款

唐六如寫生并題

絹挂幅截字
作對版入冊

草率杯盤試踏青虎丘山上可中亭日斜客散僧催掃
蔗節蓮房滿石庭吳趨唐寅與飲五臺作此戲墨

仇實父柳浪鷗羣圖并題

絹素極工緻汪玉
水得之高明水

鷗羣雲水伴柳浪繫輕舸飛瀑青山處滿肩書冊桃

陳白陽牡丹圖

紙本
著色

白陽蛺蝶花圖

紙本
著色

王祿之倣趙松雪萱花圖并題

剔青地著色
後三幅全

葉展青鸞尾花開鵲嘴黃小庭多樹此相對使憂忘

祿之芙蓉圖并題

碧江煙水渺無津溪畔芙蓉晚更新照水亭亭還自愛
相看渾似浣紗人穀祥

祿之山茶圖并題

葉舒屏甲厚花放鶴頭丹歲暮饒冰雪朱顏不改觀

祿之丹桂圖并題

秋風昨夜始吹開萬斛天香金粟堆兩駕仙郎豈凡手

月中親奪一枝來西室王穀祥

陸叔平山水

凡四幅紙本金山北
固劔邱垂虹四境

叔平折枝水仙梅花圖

紙本
水墨

朱青溪天池石壁圖

名朗為衡山
先生高足

尤鳳丘山水人物圖

凡六幅俱縑素斗方著色
鳳丘名求為仇英之亞

舜耕厯山

版築求賢

魯義姑

浣紗女抱石

曹孟德觀黃絹幼婦碑

宋藝祖雪夜訪趙相

鳳丘臨勾龍爽避秦女圖

鳳丘臨唐女冠李季蘭真

錢磬室攝山圖

款書

戊寅五月七日寫贈慧空師錢穀

攝山吾未到羨爾獨能游畫已錢君得詩將王子

求風煙原歷歷雲水自悠悠千里誠難別新吟漫
爾留萬曆戊寅仲夏八日送慧空上人往攝山茂

苑文嘉

文休承前赤壁圖并書賦

紙本

陳子正倣大癡山水

子正花草圖

凡八幅俱
文壽承題

朱文石太室雪圖

侯懋功山水

二幅

項子京蕉石圖并題

紙本水墨對版為女
郎徐安生泥金竹枝

葉如斜架紙心似倒抽書此聯殆與蕉寫容非非而是
是是而非吾不知其非亦不知其是是非無定書畫足
徵項元汴

名繪大冊

刪存十幅汪
氏自韻齋藏

此冊前十五幀為用嘉石田雲東白陽諸筆乃余
中表家物也余弱冠讀書白苧嘗假以自隨迨余
江州歸詢之不可復得蓋三十年矣今得再觀于

玉水自韻齋如逢故人其愉快可知也竹懶李日
華

杜東原山水

過版
紙本

杜欽居人物圖

二幅俱過版有
小款止一董字

杜古狂董寫陶靖節白樂天二像靖節曳杖五柳
之下樂天逍遙步履似對永豐坊垂柳皆衣冠雍
雅神韻靜深望而知其為有道名公也君實

姚雲東竹石圖并題

石不可移移則匪貞竹不可撓撓則匪清清如夷齊貞
比綺角維竹維石迺金迺玉公綬寫并贊

秋來未到闔閭城水竹村深遠夢生有客問予將冊去
澹煙疎雨正關情公綬因張用節茂才之便附其同
宗士行畫冊以還又因竹之解雨以致想也戊辰八月
雲東松圖并贊

為棟為梁匪松之福惟曲而壽乃松之貞是以君子欲
逃其名公綬寫松并贊

秦有爵封斯為爾福歲有寒虐乃見爾貞維福維
貞作詩美名浦正

雲東古樹棲烏圖并題

昔烏巢我樹母在喜烏來無母今何恃惟增返哺哀綬
書于三牌之下戊戌五月

烏有孝子情母胡去而來舊巢棲未穩啼向月中
哀浦正

雲東秋葵圖并贊

著色

葵心一寸赤歸然獨傾陽其中含盛美無怪炫黃裳
爾凡卉木雜沓競芬芳請觀高士類能幾登忠良猗與
此葵花合上君子堂成化戊戌五月八日公綬贊

雲東雞冠花圖

絳幘曾聞報曉籌
瞳瞳日色映龍樓
我家茅屋疎籬下
搖落西風玉樹秋
蓮花峰上閒人題

雲東荔枝圖并題

未能生擘閩南荔
說著紅塵也動愁
雨後紫綿毛顆顆

不知宜夏却宜秋 聞閩荔食至七月後方已故有宜
秋之言雲東老仙徒惆悵南望為此品寫小像耳

雲東枇杷圖

一樹酣黃熟爛金不須鈴索護山禽行廚載酒西
園去盧橘休誇貢上林東吳陳天定題丙申夏季
外錄

珊瑚網云是冊雲東而下即石田白陽諸畫九疑
翁所云十五幀也後為徵仲伯虎諸筆又幾十五

幀款題未錄其墨林梅花幅有竹懶水邊林下跋
已刻集中矣余時得周服卿花鳥六版足掩宋人
色韻因附入之天啓丙寅秋余在都門聞先子以
此冊共諸玩好質于珂雪姻家內有白玉大士高
尺餘兩玉侍高半之琢綠松作岩座乃宋做最精
工者太僕公嘗云玉像係馮具區先生所珍供焉
迨余東歸費繁竟不及取贖殊軫念也然猶幸不
落生面人及俗漢手

藝苑閒情冊

凡二十四幅
汪氏家藏

藝苑閒情

古秀州蔣藻書

玄亭寂寞浣花多暇清白僅此傳家風雅藉斯情
洽得先輩為命名合時賢而攬勝亦游藝之一適
也玉題

姚雲東贈許民式畫并題

石壁空青帶斷雲
碧蘿懸樹篆蛇紋
人家盡向鍾南住
誰肯林泉覓隱君
許生民式頃自都下歸謁予于雲

東仙館求畫且請贅數語漫爾寫此以贈已酉十月大雲
姚公綬製

蔣文藻竹枝圖并題

對版行
書後詩

門掩青山少見人梅花霜鶴自為隣祇今瑪瑙坡前月
唯映巢居閣下塵

外錄

珊瑚網云文藻與姚丹丘同隱大雲執師資之禮
書畫步趨丹丘為酷肖

杜青霞醉仙圖

青霞靖節先生像

青霞倪幻霞遺照

沈石田雞冠花圖并題

水墨
寫意

秋叢輒露應曉欲鳴沈周

文徵仲漁舟圖并書

絹本重
著色

罷釣歸來不繫船江村月落正堪眠縱然一夜風吹去

只在蘆花淺水邊徵明書

宋箋本
對題

陸叔平芙蓉圖并題

紙本小單
條著色

江水秋瀾淩滌迴玉有文芙蓉向風立花影對續紛

唐六如雲關雪棧圖

陳沱江倣徐熙滑法菜花圖

陳柱櫻桃雀圖并題

甲子新夏客有餽櫻桃者兼遺一雀名曰櫻桃雀遂圖
之以紀興云陳柱

居士貞龍湫高隱圖

款書

為儲封夏先生製居節

文休承寫意并題

橫幅

揮毫試拂古龍尾醒酒更烹新鳳團文嘉

董思白千秋釣舸邀明月圖

陳眉公做米老雲山圖

對版為文壽承書山靜日長篇

項又新竹枝圖并題

小單條

偶得殘楮即以硯頭餘墨作雨枝用墨如用金矣德新

漫興

馬湘君蘭花竹石圖

繖素
水墨

款書

戊寅菊月晦日玄子為文茂契君寫馬湘

薛素君梅花蛺蝶圖并題

紙斗
方

不愁春信斷為有夢魂來素素

素君水仙圖

金箋
橫披

幽姿閒靜倚新妝暗裡時間度異香不是來從神

女步何因涉水濕羅裳其昌

素君蘭石圖

金箋
橫披

清風從東來幽香忽西去欲以遺所思所思在何處其昌

趙內文叔寫生

二幅

徐女郎安生墨竹圖

二幅

墨花閣鑒藏另冊

凡二十
二幅

沈石田軒窓虛淨圖并題

白日偏于靜處長軒窓虛淨覺風涼兩人清話當何事
水誌山經細較量

石田碧水丹山圖并題

平頭艇子鏡中過
髻脚蕭騷影細波
碧水丹山儘堪飽
惠州強飮笑東坡
沈周

石田菜圖并題

東園昨夜雨肥勝
大官羊党氏銷金
帳不知滋味長
息齋似而不逸
松雪逸而不似

陳白陽百合花圖并題

水
墨

玉瓣開和璞
香須泛紫檀

王酉室蘭圖并題

綠葉轉光風
紫英汎清馥
不受當門鉏
託根在空谷

酉室菊圖并題

翠竹迎風舞
黃花浥露開
東籬剛命賞
送酒白衣人

陸包山繡毬圖并題

葉翠羅為幄
花香玉作毬
翩翩塵不染
更喜態風流

包山菊花圖并題

晚歲事老農
閒來兼學圃
不讀邵平書
親傳陶令譜

包山水仙海棠圖

邊庭柳暗金微雪
御苑花開玉壘春
蝴蝶飛來疑入夢
凌波還見洛川神
彭年題

文五峰梅圖并題

暗裡漫焚香
雪中本無色
隴頭音信稀
祇有隣家笛

院落沈沈夜色微
月華偏與淨妝宜
難明綠樹枝頭雪
且續梅花夢裏詩
文彭

文休承水仙圖并題

雨歇風清一棹橫
微吟自愛晚潮平
夕陽西下山千疊
木落空江生遠情

休承墨竹圖并題

古木挺虬榦
叢篁低碧枝
湘江何許夢
石上雨來時

文肇祉桃源圖并題

咫尺桃源路更深
神仙從此隔溪雲
笑他秦帝空求術
誰信塵凡已自分

路入桃源深更深
溪中流水洞中雲
岩居別有堯

天在只許漁郎占席分
申時行題

桃花何事隔人羣
一半青山一半雲
世上成蹊都浪說
仙凡回首路頭分
張鳳翼和

董思白仙山讀書圖并題

綠谿青嶂是秦餘
靈境今歸藏史居
素友詎迷初得路
頑仙寧讀未焚書
其昌倣黃子久筆意

宋石門雪景圖

江上雲深合深深
埋遠村曾無塵迹到
止許釣舟

橫周公瑕題

孫華林招隱圖

幽篁鳴春風村深愜招隱振衣停蘭橈煙波遠山

暝張伯起

張方洲畫并題

山共人閒水共清滿林松籟助秋聲十年中外紅塵騎
何似斜陽策杖人

閒閒三徑少行客寂寂中林有落花人世迴于橋

外隔松蘿隱映即仙家袁尊尼

周少谷玉簪花圖

展葉類衣羅合葩似簪玉佳人明月中悞將敲砌

竹王伯穀題

王延陵水仙圖并題

出門大江橫銀濤數千頃仙子御輕飈環珮搖虛影中
宵月無光天地冰壺淨輕盈何所之飛夢西湖冷

張湖山梅竹圖并題

梅花吹欲白竹影拂雲碧脩然暎長林為君鬪奇色

湖山玫瑰花圖并題

春腴紅玉軟香透紫茸溫材美名應稱終承雨露恩

文衡山竹圖并題

脩幹挺寒節疎陰生嫩涼溪南一尺雨髣髴見瀟湘

日暮黃陵廟春深片雨晴怪來青鳳尾冉冉過牆生

青箱蘊玉冊

凡七十幅對題俱南中書家以非題畫不錄

青箱蘊玉 朗哉顧願題

王道父為西室吏部從孫年十四失怙恃故并失
其故家青氈遂遊休承先生門下見休承詩畫則
嘖嘖稱賞不已引伸觸類於此道中恍然若有得
也亡何為廣文從祖携至漂水因入秣陵時可弱
冠里中親友相過道父遂遍徵其書畫云周幾

王祿之牡丹圖并題

水
墨

香凝金掌露妝艷玉樓春若比名花色沈香亭北人穀
祥

祿之繡毬圖并題

朵朵冰鏤就團團玉簇成水晶簾影外相映太分明穀
祥

文休承山水

款書
乙卯春日似道甫老契

談思重花石圖

水墨紙本志伊
號學山無錫人

孫雪居蠟梅圖

著
色

朱蘭嶠杉禽圖

款書 癸丑新涼為道行兄寫

王舜之金蓮法相圖

款書

為晴峯先生寫于南都玄覽閣

淳之蘭花圖

周之冕石榴圖

朱之士水仙蘭花圖

呂芝人物圖

周天球墨蘭圖

金士龍水仙梅花圖

馮曉人物圖

陸儀吉菊花圖

王中立秋海棠圖

戚仲陞蘆鴈圖

唐士良梅花圖

顧時啓佛手柑圖

金如初蘆鴈圖

王異荔枝圖

吳時培花鳥圖

蔣羽化關雞圖

吳彬柑鳥圖

陳士花鳥圖

金爵樹石羣鷗圖

王玄桃源圖

孫世良桃源圖

孫有知雪景圖

山水諸冊

古吳孫瑋 孫枝

蔣乾 錢貢

吳習

朱竺

張復

陳裸

袁玄

王彬

陶冶

戴纓

文室

袁源

浦鯨

姚貞

陳煥

吳冠

吳稚

浦融

戴雲

姚俊

李紹箕

李士達

杜冀龍

朱肩達

文從先

許九枝

湯時倬

姚元治

朱肩俊

魏之璜

戚伯堅

盛茂畢

王祖槐

鄒之孟

杜玄禮

袁麗明

謝道齡

陸士仁

文從昌

外錄

珊瑚網云吳門王道甫迺選部祿之公仲孫鄭樵
保御之仲子為張幼于中表一云道甫即顧靜甫
稱道行其所徵書畫俱隆萬間人共百四十家亦
一時之盛也

明人詩意圖冊

蔡虧父彙
凡二十幅

右丞詩意 張鳳翼書

王中允之詩詩中有畫吳下諸君之畫畫中有詩
虧父攜以自隨如日坐少文之室聽衆山皆響也
萬厯己亥二月既望王穉登書

行到水窮處坐看雲起時丙申春張復

水穿盤石透藤繫古松生錢序

山臨青塞斷江向白雲中陸士仁

大壑隨階轉羣山入戶登吳習

白雲迴望合青靄入看無孫枝

隔牖風驚竹開門雪滿山蔣乾

時倚簷前樹遠看原上村錢貢

江流天地外山色有無中強存仁

綠艷閒且靜紅衣淺復深周之冕

梵宇聊憑視王城遂渺然微密

磻芳襲人衣山月映石壁文從昌

登高萬井出眺迴二流明沈咸

寒塘映蓼草高館落疎桐長洲沈繼祖丁酉九月旣望
偃卧磐石上翻濤沃微躬句吳真語

獨立何離襪銜魚古槎上長洲張存仁

山中一夜雨樹杪百重泉朱竺

獨樹臨關門黃河向天外劉原起

青皐麗已盡綠樹鬱如浮汝南周之冕丙申春日

興闌啼鳥換坐久落花多郁喬枝丙申春日

空山新雨後天氣晚來秋張元舉乙未四月八日

昔人嗜白樂天詩見之而喜有見之而哭有為之
刻肌要皆嗜好然也吾友蔡虧父嗜王右丞詩詠
歌之不足付之丹青狀貌幾于刻肌矣咫尺之內
便覺萬里為遙然右丞最深于禪理而虧父方外
之懷適與相契所謂身外身義中義則當得之象
外可也可一居士張敕

摩詰句圖

汪玉水徵冊
凡三十幅

余嘗得蔡虧父所彙畫冊俱寫右丞詩意以摩詰

詩中有畫也迺吳下諸先哲則畫中有詩矣因憶
都中數年每見吾禾諸君子點染之妙竊謂東吳
一帶不能專媿余不揣敢遍求鉅筆一弔輞川遺
韻絕勝嗜白香山者刻句盈肌乎藉是以開攜李
崇禎畫社庶令梅道人姚侍御諸公不至久落寞
也勿靳吮毫而夷鄙人之請幸甚社走汪砢玉拜
徵時戊辰改元之秋

藉草飭松屑焚香看道書竹懶李日華

秋山一何淨蒼翠臨寒城叔祥姚士舜

清夜何悠悠叩舷明月中嘯海朱瑛

原本瑛字
旁列實字

遠樹蔽行人長天隱秋塞康侯戴晉戊辰十月

靜言深谷裏長嘯高山頭珂雪李肇亨

空山新雨後天氣晚來秋會嘉戊辰冬仲

明月松間照清泉石上流項聖謨畫時己巳春分二日

之夕齋頭七松風不絕聲甚助筆興

獨坐幽篁裏彈琴復長嘯易菴二年二月晦補圖

古木無人徑深山何處鐘
陳壙已巳二月望後寫吳仲圭筆意

殘雨斜日照夕嵐飛鳥還徐榮

啼鳥忽臨澗歸雲時抱峰徐伯齡

湖上一回首青山卷白雲
孔昭姚潛已巳二月試小道

士墨

草色搖霞上立春前三日寫

亦孔昭畫無款

松聲汎月邊時閒照軒漏下三鼓矣陶庵姚潛

月出驚山鳥時鳴幽澗中君與朱大定

谷靜惟松響山深無鳥聲元嘉萬祚亨

白水明田外碧峰出山後涵碧吳弘猷

悠悠西林下自識門前山叔符吳必榮戊辰冬日

荒城臨古渡落日滿秋山趙珂

草際成棋局林端舉桔槔周志

細枝風響亂疎意月中寒陸海

青苔石上淨細草松下軟沈瞻

深林人不知明月來相照公亮范明光

屋上春鳩鳴村邊杏花白褚素民

總向秋園裏花間笑語聲王烈己巳春孟

倚杖柴門外臨風聽暮蟬駕翁項穀

園廬鳴春鳩林薄媚新柳 湛一 寂瀾

同題
各畫

竹喧歸浣女蓮動下漁舟玉洲仇世祥

實甫
之孫


積翠紗窓暗飛泉繡戶涼皆令黃氏媛介

香氣傳空滿妝華影箔通九畹孫氏蘭暉

外錄

珊瑚網云有檄徵得百餘幀大約人各二題乃並存者無幾姑置者過半而續至未已也

又云余幼見先君選古文辭可圖者索姑蘇諸名手書畫于泥金牋上曰桂苑叢珠較此更光彩陸離也



書畫彙考卷三十七